

**ՍՏԱՑՎՈՒՄ Է՝ ՀՀ ՆԱԽԱԳԱՀԻ ԴԻՏՈՂՈՒԹՅՈՒՆՆԵՐԸ ՎՃՌԱԲԵԿ ԴԱՏԱՐԱՆԻ ՀԱՄԱՐ  
ՆՇԱՆԱԿՈՒԹՅՈՒՆ ՉՈՒՆԵՆ**

14.10.2012 09:53



Հարգելի ընթերցող, ինչպես հիշում եք, վերջերս ՀՀ Նախագահը դատական իշխանության վերնախավի հետ հանդիպման ընթացքում կրկին անգամ անհանգստություն հայտնեց առկա դատական համակարգի անվստահության վերաբերյալ, որի համար հիմք էր հանդիսացել նաև փաստաբանների համատեղ դժգոհությունները՝ ուղղված ՀՀ վճռաբեկ դատարանին: Թվում էր, թե Նախագահի դիտողությունները ընդունելի էին, սակայն կարծում եմ՝ սալը տեղից չշարժվեց: ՀՀ վճռաբեկ Դատարանը միշտ իր որոշումներում բերում է այն ձևական հիմնավորումը, որ փաստաբանները չեն կարողանում հիմնավորել իրենց վճռաբեկ բողոքները, ինչի հետևանքով էլ դրանք վերադարձվում են: Սակայն մի հետքարքիր փաստ է արձանագրվում, որի մասին հայտնել են նաև իմ գործընկերները. այսպես, ինչպես է ստացվում, որ նույն փաստաբանի գրված հիմնավոր վճռաբեկ բողոքը ՀՀ վճռաբեկ դատարանը չի ընդունում, սակայն այդ նույն Փաստաբանի գրված Եվրոպական գանգատը ոչ միայն ընդունվում է Եվրոպական դատարանի կողմից, այլ նաև ակհայտ և կոպիտ սխալներ արձանագրվում մարդու իրավունքների խախտման ոլորտում: Ինչ է սա նշանակում, մի՞թե ՀՀ վճռաբեկ դատարանը չի տեսնում այն խախտումները, որոնք ակնհայտ են, որոնցում առկա են նաև դատական ակտերի, այդ թվում իրենց որոշումներին հակասող ակտեր, իհարկե, տեսնում է, սակայն... մեկնաբանությունները թողնում եմ ընթերցողին: Ես՝ որպես քաղաքացի, լավատես եմ և հավատում եմ, որ ՀՀ Նախագահի դիտողությունները ոչ միայն ընդունելի են, այլ դրանք բեմականություն չեն, սակայն ինչ է ստացվում, որ ՀՀ վճռաբեկ դատարանը իրեն վեր է դասել ամեն ինչից և շարժվում է այնպես, ինչպես ինքն է ցանկանում՝ այդ ճանապարհին անտեսելով և իր իսկ կողմից ընդունված որոշումները, և փաստաբանների դժգոհությունները, և երկրի ղեկավարի անհանգստությունը, և օրենսդրությունը: Արդյունքում համատարած խախտվում են մարդու իրավունքները, ինչը շատ անգամ պատճառ է հանդիսանում, որպեսզի Հայաստանի դեմ միջազգային ատյանների կողմից կայացվեն այնպիսի որոշումներ, որոնք ոչ միայն հարված են հասցնում մեր երկրի համբավին, այլև՝ անմիջապես քաղաքացուն: Դատական իշխանության դեմ վստահությունը գալիս է հասարակական հարաբերություններում առկա քննվող վեճերի լուծումից: Ստորև հակիրճ ներկայացնեմ այն դատական գործը, որը վերաբերվում է դատական

ատյանների, ադ թվում Վճռաբեկ դատարանի կողմից ՀայՌուԼՍԳազարդ ընկերության ապօրինի գործողությունների կատարման թողտվությանը և դատական հակասական որոշումներին: Բազմիցս այդ դատական գործի մասին հրապարակումներ են եղել տարբեր լրատվամիջոցներում (առավուտ օրաթերթ, [www.hetq.am](http://www.hetq.am), [www.aravot.am](http://www.aravot.am), [www.advocates.am](http://www.advocates.am) կայքեր և այլն):

Հիշեցնենք, որ 2011թ. հոկտեմբերին ՀայՌուԼՍԳազարդ ընկերությունը անհիմն դադարեցրել էր իմ բնակարանի գազամատակարարումը, առանց իմ ներկայությամբ տարել էր գազահաշվիչը: Այդ գործով (ԵԱՔԴ/2225/02/11 քաղ. գործ) առաջին ատյանի դատարանը համարել էր, որ իսկապես խախտում կատարվել է և ապօրինի է հանվել գազահաշվիչը, անգամ մի փոքր վնաս է բավարարվել ի օգուտ ինձ, սակայն միևնույն ժամանակ դատարանը գտել էր, որ չպետք է վերականգնվի իմ բնակարանի գազամատակարարումը: Գործը (ԵԱՔԴ/2225/02/11 քաղ. գործ) տեղափոխվեց Վերաքննիչ դատարան, որը մերժեց իմ բողոքը, փաստորեն համարելով, որ ՀայՌուԼՍԳազարդ ընկերությունը չպետք է վերականգնի իմ բնակարանի գազամատակարարումը, անկախ նրանից, որ և օրենքով, և նույն դատարանի որոշմամբ հաստատված է համարվել, որ Ընկերության ներկայացուցիչները խախտմամբ են հանել իմ բնակարանի գազահաշվիչը, որ բացակայում է իմ մեղավորությունը, որ գազահաշվիչի պահպանման հոգսը պատկանում է ՀայՌուԼՍԳազարդին: Ահա և Վերաքննիչը իր այդ որոշմամբ ուղղակի ձևով հակասեց իր վերջերս ընդունած որոշումներից մեկին, այն է՝ 16.02.2012թ. թիվ ԵԿԴ /2589/02/10 քաղաքացիական գործով օրինական ուժի մեջ մտած որոշմանը, որի դեմ ՀայՌուԼՍԳազարդ ընկերության կողմից ներկայացված վճռաբեկ բողոքը չէր ընդունվել Վճռաբեկ Դատարանի 18.04.2012թ. վերադարձի մասին որոշմամբ:

Եվ ահա իմ գործով (ԵԱՔԴ/2225/02/11 քաղ. գործ) ներկայացվեց վճռաբեկ բողոք, որում բացի մյուս հիմնարար խախտումներից, հիշատակվեց նաև այն մասին, որ սույն գործով (ԵԱՔԴ/2225/02/11 քաղ. գործ) վերաքննիչ դատարանի որոշումը ուղակի և անմիջական հակասում է ԵԿԴ /2589/02/10 քաղաքացիական գործով վերաքննիչ դատարանի որոշմանը և այդ նույն գործով Վճռաբեկի 18.04.2012թ. վերադարձի մասին որոշմանը: Սակայն զավեշտն այն է, որ Վճռաբեկ դատարանը ոչինչ հաշվի չառավ, անգամ չհարգեց իր իսկ կողմից կայացված 18.04.2012թ. վերադարձի մասին որոշումը,

որով փաստացի ընդունել էր ԵԿԴ /2589/02/10 քաղաքացիական գործով վերաքննիչ դատարանի որոշումը: Այդ թիվ ԵԿԴ /2589/02/ գործով վերաքննիչի որոշման և նույն գործով Վճռաբեկ բողոքի վերադարձի որոշման մասին հիշատակվել է վերջին մամուլի հրապարակումներում: Եվս մեկ անգամ հիշատակենք Վերաքննիչի այդ որոշմամբ արտահայտված իրավական դիրքորոշման մասին, որին, ի տարբերություն իմ գործի, ՀՀ Վճռաբեկ դատարանը համամիտ էր: Այսպես՝

**“...Վերաքննիչ դատարանն արձանագրում է, որ ՀՀ քաղաքացիական օրենսգրքի 559-րդ հոդվածի 1-ին կետի համաձայն՝ «Էներգամատակարարման պայմանագրով պարտավորությունները չկատարելու կամ անպատշաճ կատարելու դեպքում պարտավորությունը խախտած կողմը պարտավոր է մյուս կողմին հատուցել պատճառված իրական վնասը (17 հոդվածի 2-րդ կետ)»:** Այսինքն՝ օրենսդիրն էներգամատակարարման պայմանագրային իրավահարաբերություններում ևս քաղաքացիաիրավական պատասխանատվությունն ուղղակի կախման մեջ է դնում մեղքի առկայությունից: Այսինքն՝ քանի դեռ չի ապացուցվել կողմի մեղավոր գործողությունը (անգործությունը), նրան կատմամբ էներգամատակարարման պայմանագրային իրավահարաբերություններում չի կարող առաջ գալ քաղաքացիաիրավական պատասխանատվություն:

**Բացի այդ, ՀՀ քաղաքացիական օրենսգրքի 555-րդ հոդվածի 2-րդ կետը սահմանում է, որ «Այն դեպքում, երբ էներգամատակարարման պայմանագրով որպես արձանագրության հանդես է գալիս էներգիան կենցաղային սպառման համար օգտագործող քաղաքացին, էներգետիկ ցանցերի, ինչպես նաև էներգիայի օգտագործման հաշվիչ սարքերի պատշաճ տեխնիկական վիճակի և անվտանգության ապահովման պարտականությունը դրվում է էներգամատակարարող կազմակերպության վրա, եթե այլ բան նախատեսված չէ օրենքով կամ այլ իրավական ակտերով»:** Փաստորեն, վերը ներկայացված իրավանորմերի ուժով՝ սույն քաղաքացիական վեճին լուծում տալու համար դեռևս բավարար չէ գազահաշվիչի շրջանցմամբ բնական գազը հայցվորի կողմից օգտագործված լինելու հանգամանքի

**հաստատված լինելը: Տվյալ դեպքում անհրաժեշտ է պարզել, թե հաշվիչ սարքի պատշաճ տեխնիկական վիճակի և անվտանգության ապահովման պարտականությունն արդյոք օրենսդրությամբ դրված է եղել հայցվորի վրա: Եվ բացի այդ, եթե նման պարտականություն օրենսդրորեն դրված է եղել հայցվորի վրա, ապա արդյոք հաշվիչի անսարքության մեջ առկա է եղել նրա մեղավորությունը: Նշվածի առումով Դատարանը քննություն չի իրականացրել, որի արդյունքում՝ կայացրել է չհիմնավորված դատական ակտ:”**

Փաստորեն, ինչ է ստացվում, որ Վճռաբեկ դատարանը իմ գործով այլ դիրքորոշում ունի, իսկ ավելի վաղ կայացված գործով՝ այլ դիրքորոշում, ասինքն՝ հակասում է ինքն իրեն: Սակայն մեկ փաստ ևս, երկու գործերի վերաբերյալ վճռաբեկը որոշումները կայացրել է նույն կազմով, բացառությամբ դատավոր Մ. Դրմեյանի, որի փոխարեն իմ գործով հանդես էր գալիս դատավոր Ա. Բարսեղյանը: Ինչպես վերաքննիչը, այնպես էլ Վճռաբեկ դատարանը անտեսել են օրենքը, նյութական խախտման առումով որևէ օրենք իմ նկատմամբ չեն կիրառել, այլ կիրառվել է ԳՄՕԿ կանոնները (գազամատակարարման վերաբերյալ կանոններ)՝ հաստատված Հանրային ծառայությունները կարգավորող հանձնաժողովի կողմից, ընդ որում, այն էլ սխալ կիրառմամբ և մեկնաբանությամբ: ՀՀ Վճռաբեկ դատարանը կրկին շարունակ է չպատճառաբանել իր վերադարձի որոշումները, այլ բավարարվում է միայն արդեն իսկ \$որմալ դարձած դատավարական նորմերի մեջբերմամբ, ինչով անտեսում է ոչ միայն օրենքը, այլև ՀՀ Սահմանադրական դատարանի որոշումը:

Հետաքրքիրն այն է, որ նախորդ հրապարակմամբ ես դիմել էի ՀՀ նախագահին, որին հետևեց նաև ՀՀ նախագահի վերջերս կայացված հանդիպումը դատական համակարգի պաշտոնյաների հետ: Ենթադրում եմ, որ այդ հանդիպման հիմքում ընկած դժգոհությունների մեջ ներառված է եղել նաև իմ՝ որպես փաստաբանի, դժգոհությունը, սակայն ինչին ենք ականատես լինում՝ դատական համակարգի էլ ավելի վատթարացման...

Այնուհանդերձ, այս հրապարակումը նույնպես ահազանգող դիմում է Հայաստանի Հանրապետության նախագահին, արդարադատության նախարարին, մարդու իրավունքերի պաշտպանին և մյուս առնչվող պաշտոնատար անձանց:

Եվս մեկ անգամ փաստեմ, որ շարունակելու եմ պայքարը նման ապօրինությունների դեմ, նման դատական համակարգի գործելավորճի դեմ՝ անկախ դրա տեսանելի արդյունքից, քանզի քաջ գիտակցում եմ, որ պայքարը արդեն իսկ մարդու իրավունքների պաշտպանության հաղթանակն է, առաջընթացն է և նպաստում է արդարադատության կայացմանը:

14.10.2012թ.

Փաստաբա

ն՝ Գևորգ Դավթյան

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```